

PWYLLGOR:	IS -BWYLLGOR TRWYDDEDU CANOLOG (MEIRIONNYDD)
DYDDIAD:	29 TACHWEDD 2012
TEITL:	CAIS AM WYRIAD O DRWYDDED EIDDO – LAST INN, STRYD YR EGLWYS ABERMAW
PWRPAS:	ER PENDERFYNIAD
AWDUR:	PENNAETH RHEOLEIDDIO

CAIS

Atodir cais am wyriad o drwydded eiddo'r Last Inn, Stryd yr Eglwys, Abermaw, LL42 IEL gan Mr Gregory Courtney, deilydd trwydded yr eiddo, o'r un cyfeiriad. Cyflwynwyd y cais yn dilyn cyngor a dderbyniwyd gan yr Uned Gorfodaeth Trwyddedu.

Mae'r ymgeisydd yn cyflwyno'r cais er mwyn ceisio caniatâd i ymestyn yr oriau a ganiateir gweithgareddau trwyddedig ar yr eiddo - yn benodol o safbwynt cerddoriaeth fyw; cerddoriaeth wedi ei recordio, perfformiadau dawn a gwerthiant alcohol.

Gweler y tabl isod am fanylion yr oriau cyfredol a'r oriau arfaethedig, mewn perthynas a gweithgareddau trwyddedig ac oriau cau i'r cyhoedd.

TRWYDDED GYFREDOL			TRWYDDED ARFAETHEDIG		
Dyddiau	Gweithgareddau trwyddedig	Oriau cau		Gweithgareddau trwyddedig	Oriau cau
	Cerddoriaeth fyw			Cerddoriaeth fyw	
Llun - Iau	11:00 – 23:00	23:30	Sul - Iau	11:00 – 00:00	01:30
Gwen- Sul	11:00 – 00:00	00:30	Gwen - Sad	11:00 – 01:00	01:30
	Cerddoriaeth wedi ei recordio			Cerddoriaeth wedi ei recordio	
	11:00 – 23:00		Llun - Sul	11:00 – 01:00	
	11:00 – 00:00				
	Perfformiad dawn			Perfformiad dawn	
	11:00 – 23:00		Llun - Sul	11:00 – 01:00	
	11:00 – 00:00				
	Cyflenwi alcohol			Cyflenwi alcohol	
	11:00 – 23:00		Llun - Sul	11:00 – 01:00 *	
	11:00 – 00:00				

* Ar wahân i Nos Calan - gofynnir am ymestyniad i'r hawl i gyflenwi alcohol o ddiwedd yr oriau a ganiateir ar y 31 o Ragfyr hyd at gychwyn oriau a ganiateir y diwrnod canlynol

YMGYNGHORIAD

Ymgynghorwyd ar y cais a derbyniwyd ymatebion fel a ganlyn –

YMATEBION	SYLWADAU
Aelodau lleol	Dim sylwadau
Cyngor Cymuned	Dim sylwadau
Heddlu	Dim sylwadau hyd at y 13/11/12
Preswylwyr Cyfagos	8 llythyr, 5 yn cefnogi'r cais am wyriad; a 3 yn gwrthwynebu'r cais.
Gwasanaeth Tan	Llythyr - dim gwrthwynebiad
Yr Awdurdod Trwyddedu – fel Awdurdod Cyfrifol	E bost - sylwadau
Gwasanaeth Gwarchod y Cyhoedd – Iechyd Amgylchedd	Dim sylwadau

Yn ogystal â'r uchod , derbyniwyd llythyr gan yr Ymgeisydd yn amlinellu ei resymau dros wneud cais am ymestyn oriau gweithgareddau trwyddedig ac oriau agor.

Gan nad yw dyddiad yr ymgynghoriad yn dod i ben ar y cais hwn tan y 19/11/12; mae yna bosibilrwydd y bydd mwy o sylwadau yn cael eu derbyn.

Fe fydd unrhyw sylwadau ychwanegol perthnasol a dderbynnir cyn y 19/11/12 yn cael eu dosbarthu i'r Is-bwyllgor ar ddiwrnod y gwrandawriad.

Gweler yn amgaaedig fanylion llawn y sylwadau a dderbyniwyd

CRYNODEB O'R SYLWADAU A SAIL GWRTHWYNEBIADAU I'R ADOLYGIAD

Preswylwyr cyfagos – cefnogi cais am wyriad

Cefnogir y cais am wyriad oriau oherwydd nad oes tystiolaeth wedi bod o broblemau mewn perthynas â'r amcanion trwyddedu.

Preswylwyr cyfagos - gwrthwynebiad i'r cais am wyriad

Gwrthwynebir y cais mewn perthynas â'r amcanion trwyddedu o

- Atal trosedd ac anrhefn
- Diogelwch y cyhoedd
- Atal niwsans cyhoeddus

Uned Gorfodaeth Trwyddedu'r Cyngor yn ymateb i'r cais fel 'Awdurdod Perthnasol'

Derbyniwyd e bost gyda sylwadau ar y cais. Cadarnhawyd fod y cais wedi ei gyflwyno gan yr ymgeisydd mewn ymateb i gyngor a gafwyd gan Swyddogion Gorfodaeth Trwyddedu'r Cyngor. Cadarnhawyd yn ogystal fod y swyddogion wedi ymweld ar eiddo trwyddedig yn cael eu cynnal tu hwnt i'r oriau a ganiateir ar y drwydded gyfredol. Cofnodwyd yn ystod yr ymweliad fod cwsmeriaid yn bresennol a gweithgareddau trwyddedig yn parhau i gymryd lle am 00:50 y bore, yn groes i amodau'r drwydded gyfredol.

RHYBUDDION O DDIGWYDDIADAU DROS DRO

Derbyniwyd 11 rhybudd o ddigwyddiad dros dro (TENS) gan ddeilydd trwydded yr eiddo er mwyn cynnal gweithgareddau trwyddedig am 1 awr yn ychwanegol, bob nos Fawrth a nos Sadwrn rhwng y 6ed o Dachwedd a'r 11eg o Ragfyr.

Ni dderbyniwyd unrhyw wrthwynebiad gan yr awdurdodau perthnasol i'r rhybuddion digwyddiad dros dro a gyflwynwyd.

ARGYMHELLIAD

Gofynnir i'r Pwyllgor ystyried y cais yn unol â gofynion y Ddeddf Trwyddedu 2003.